

905783



*Hist. f. 262.*

39

7262 II

HISTORIA

I. F.

PELOPIDAS,  
DUCUM THEBANORUM  
CLARISSIMUS,  
IN ACTU PUBLICO  
GYMNASII MAGDALENÆ,

*A. D. 25. Augusti, Hor. 8. antemer.  
celebrandus,  
dirigente*

M. JOHANNES FECHNERO.

---

VVRATISLAVIÆ,

In Hæredum Baumannianorum Typographiâ  
exprimebat Joh. Christoph. Jacobi.





Lecturis Salutem dico plurimam.

**E**xperientia locupletissima rerum mortalium testis oppido confirmat, quod sapientissimus Quirritius Seneca (ep. 91.) scripsit: Nihil publicè stabile est, tam hominum, quam urbium fatavolvuntur. Quid enim in subltunari hoc circo tam firmum, tam fixum, quod ad finem suum non contendat? Nasci & denasci homines quotidiebus videmus. Quæ oriuntur, & vel natura vel hominum operâ in lucem producuntur publicam, ad occasum passibus non interruptis procurrunt. Hac stadii secularis, hac ludæ hujus curulis lex est: Procedunt, succedunt, decedunt mortalia. Nulla hic datur statio, aut si datur aliquando, ut male tuta e vestigio deserenda est, & mutanda subinde colonia. Omnis quies mundi irrequies est, & via incessabili curriculo deproperanda. Quæcumq; hic orbis in orbe suo continet aut distinet, rotantur, hoc est volvantur & devolvuntur, ut Sisyphium illud saxum. Quid multis? Rerum humanarum cursus quidam quasi circinus est, qui in volubilem actus gyrum, eosdem in eodem felicitatis dignationisq; gradu subsistere non permittit, ut Cræsus in adversâ sorte cordatior, quam in secundâ. Cyrum subiugatorem Asia sciûe monet. (V. Herod. l. 1.) Quicquid enim ab humili ad summum claritudinis evectum est fastigium, ut limen cæli stellantis eminenti contingere vertice videatur, rotâ vertente revolvitur & resolvitur in suum principium, id est ad ima relabitur, & velocius quidem, quam prius adscenderat. Uti enim gravia testibus natura consultis, motu suo proprio, quo deorsum versus centrum feruntur, sub finem celerius, quam sub initium, insitâ vi delabuntur: Sic sublimia cum supra sortem communem evecta videntur, mole suâ depressa riuunt & convulsa repente



repenitè fœdum plerumq; rebus suis imponunt exitum. Paret hoc ex tot urbium clarissimarum alio à culmine dejectarum cadaveribus, in quas destruendas tres Dii, ut cum, Lipsio loquar (de Amphith. c. 6.) Cronius, Vulcanus & Marspiter conspirarunt. Paret hoc ex tot rerumpublicarum illustrium, quarum sola in monumentis litterariis superant nomina, eversionibus. Creverunt illa & decreverunt, surrexerunt & deciderunt, ut flores, quos indiem gignit natura, magnâ, ut ait historia naturalis conditor (Plin. l. 2 r. c. 1) hominum admonitione, ut quæ spectatissimè florent, celerrimè marcescere cognoscant. Certa ætas illis à summo omnium Moderatore præstituta, suisq; limitibus cœu carceribus crescentis potentia gloria est circumscripta: Inde emissæ in patentem circum, cum ad metam præfixam jam ventum, subsistere, & exa-ctâ λαμπρότητι, alteri facem porrigere necesse habet.

Plurima rerumpublicarum, quæ jam olim absolutâ fatali περὶ τοῦ  
everse sunt, exempla concentuari hic possem: Sed curia hæc & emissitia  
papyrus in prolixam dissertationis lacinosæ syrma extendi renuit. Uni-  
cum saltem, & id quidem in illustri positum præsentiq; congruum negotio  
in proscenium hoc ex Græcicâ antiquitate adducam. Civitas Sparta-  
na nullis quidem murorum turritorum substructionibus cincta, sed ar-  
matis civium fortissimorum viribus instructa, ad tantam proceserat po-  
tentiam, ut inter ceteras Græcorum respublicas principatum obtineret.  
Athenienses gloria sua æmulos sub finem belli Peloponnesiaci Lysandri ver-  
sutissimi non virtute magis, quam technis callidis superatos, cum ipsum  
tandem Ἀστυ, δούρειον ἔκδωδον ὄμμα, in editionem acceptum esset, adeo  
impositis XXX. tyrannis premebat, ut caput denudò attollere & pristinam  
recuperare posse dignitatem non viderentur. Neq; contenta Atticas at-  
trivisse opes, reliquorum quoq; vicinorum vires tam occultis machinatio-  
nibus, quàm vi manifestâ carpebat & constrictas quasi attinebat, ut contra  
potentiam latè-dominam moliri quippiam adversi prohiberentur. Quin  
ultra mare mediterraneum in Persicas Provincias virium suarum exten-  
dens pomæria, per Asiam amplissimam arma victricia, duce Agesilao, cir-  
cumfere-



cumferebat, & in spem potiundi regni toto terrarum orbe tunc temporis opulentissimi erigebatur. Sed quàm repente imperiosa ista Laconica dominationis majestas, inopino turbine oborto, in ipso vectoriarum cursu suis sufflaminata, perculsa, labefactata, & ab iis quidem, à quibus minimè expectabat, à Thebanis & Bæotis, quos ut bardos & tardos rerum suarum provi- fores & vervecum sympatriotas alto despiciebat supercilio? Dux Spartanorum Phæbidas, Lysandri versipellis discipulus genuinus, ad oppugnandam Olyn- zium missus, cum per Thebas iter faceret, arcem Cadmi vetustam, impulsâ civium quorundam improborum, qui rebus Laconum studebant, ut adver- sam factionem tantò opprimerent facilius, occupaverat, occupatam presidio militari muniverat. Quamvis autem Ephori factum hoc non proba- rent, Phæbidæq, quod posthabita autoritate superiorum, muneris mandatis limites transgressus vicinos nihil mali suspicantes circumvenisset, imperi- um militare adimendum censerent: Arcem tamen non aquo Marte, sed arte malâ interceptam suis possessoribus non restituebant. Nec licebat hic Bæotis delusis καταλὼν ἐγείρειν sive ad rehetras provocare & repetun- darum reos arcescere Lacedæmonios: Musitanda erat hac injuria manu potentiori oppressis. Nempe ratio status postulare videbatur, ut inimi- citiis semel susceptis, Thebanorum civitas ex arce forti munitâ presidio quasi obsessa in officio contineretur, ne libertati restituta & memor inju- rie illata novas daret turbas, & florentem reipubl. spartana statum con- cuteret. Propterea & suarum partium homines urbi regenda impone- bant Ephori, qui dominationis alienæ adversariis partim casis, partim in exilium actis, ceteros cives Laconicum jugum suscipere cogerent. Sed astutum hoc molimen Spartiatis, qui fortunam in potestate suâ habere & demonium prudentiæ circumspecta in pectore se possidere putabant, in perniciem cecidit, juxta illud mimici sapientis: Malum consilium consul- tori pessimum. Nam dolum dolo remensi Thebani inimicos captatoresq, callidos suis artibus ceperunt implicitos. Pelopidas enim maximi animi juvenis, cum aliis Thebanis, qui patriâ expulsi Athenis exulabant, consi- lium de Thebis liberandis agitabat, & ut conata perficeret, habitu venato- rio & agresti indutus urbem patriam ingressus, cum consiliis consilii civi- bus



bus non nullis, quibus dominatus Laconicus tadum pepererat, adversa factionis principes inter epulas & jam probè appotos obruit, & prò poculo Bacchi Hercules scyphum confuso spumantem sanguine ipsis propinat, ac porro sublatis iniquis reipublica patriae incubatoribus arcem exturbato spartanorum praesidio, feliciter recepit. Sic exigua manus exulum ventosam Laconum superbiam & viribus suis nimis confisam potentiam graviter perculit. Quod ipsum fusè exequitur clarissimus Bibliotheca historica instructor Diodorus Siculus, [lib. 15.] succincte verò Cornelius Nepos cum Plutarcho exponit. [in Vit. Pelop.] Notandum v. hic apprimè, quantæ calamitati soleat esse nimia fiducia. Nemo enim celerius opprimitur, quàm qui nihil timet. [Vell. Pat. l. 2. c. 118.] Dicto huic fidem facit tragicum exitium magistratum, qui à Lacedamonis civitati Thebane obruti erant. Advolabant ad aures ipsorum nuntii, qui exules in urbem adventasse indicabant. Advolabat epistola, quæ Archie principi civitatis eisdem exules Athenis habitu venatorio exiisse, & animo gladiatorio ad ipsum affectare viam significabat. At quid ille? O supinam negligentiam! Poculis cum collegis indulgens, ne resignare quidem litteras tanti momenti sustinebat, easq; recondens, incastinum dixit, differo seria. Sed illa procrastinatio compotatoribus istis vino sepultis attulit celerrimam perniciem. Nam Pelopidas, quem tanquam nihili homuncionem despiciatui habebant, illà ipsà nocte non cunctatus omnes interemit. Quod igitur Thrasybulus nobilissimus XXX. tyrannorum oppressor fuit Athenis, [V. Nep. in Thrasyb.] illud Thebis fuit Pelopidas alieni in patriâ dominatus destructor clarissimus.

Facta belli jam erat alea: non enim adversariam tantum factionem oppugnaverant exules, sed ipsos Lacedamonios, qui tunc Græciæ totius habebantur principes, lacesiverant. Susceptum itaq; bellum à Thebanis, consentientibus Bæotarchis, & Epaminonda, qui sapientiam & fortitudinem militarem felici junxerat contubernio, rei gerendæ summa committitur, ita ut Pelopidas tanquam optio vel legatus ab ipso esset secundus. Accedebat autem alia & recens belli causa, quæ Thebanos & universam Bæoti-



tum gentem in justissimam accendebat ultionem. Duo adolescentes Spartani Scedasi cujusdam, qui Leuctris Bæotorum habitabat, filias juvenclas vi constupratas & illatâ contumeliâ contrucidatas in puteum deiecerant. Ad facinus tam detestabile connivebant Ephori, & in nefandos ejus autores non animadvertebant. Sed cernere hic est manifestum exemplum vindictæ divinæ, quæ integra sæpe regna ob libidinem propudiosam & scelerum impunitatem evertit. Nam paulo post Lacedæmonii in illustri illâ pugna, qua à loco ubi commissæ est, & ubi scelus illud execrandum perpetratum fuerat, Leuctrica dicitur, adeò à Thebanis, Epaminondâ duce, cassi fractiq; sunt, ut principatum Græciæ amitterent, neq; postea ad vires pristinas consurgere valerent. Eo in prælio Pelopidas delectam manum, quam Diodorus supra laudatus sacrum agmen vocat, duxit, ac forti in phalangem spartanicam impressione aciem dissolvit, & victoria viam primus aperuit. De hoc Pelopidâ drama quoddam ductu C. Nepotis, scriptoris nitidissimi, qui vitam herois hujus eminentissimi graphicè exposuit, conceptum cras, Deo clementer indulgente, exercenda monendæq; juventutis ergò exhibebimus: neq; verò viri tam excellentis acta omnia persequemur, sed vitanda prolixitatis tædiosa gratia, ea saltem delibabimus, quæ ante pugnam Leuctricam ab ipso memorantur gesta, omisis iis, quæ posticea variante fortuna ipsi contigerunt.

Vos autem, Viri Magni, Clari, Docti, Boni, Patroni & Fautores litterarum nullo non observantiæ & honoris cultu prosequendi, summissè ac enixè rogamus, ut diei crastini horâ in frontispicio indictâ, si prolubium vobis fuerit, ad ludum nostrum invisere & præsentia honorificâ Actum hunc per se non splendidum illustrare dignemini. Invitamus Vos non ad spectandos  
panto-



pantomimos ; histrionicum quippe studium Ro-  
ficiis tractandum libenter relinquimus , sed ad  
audiendos narratores & consultatores persona-  
tos. Hisce enim ascematis adolescentes nostros  
non tam ad gestus scenicos exprimendos , quàm  
ad claram, distinctam, disertam pronunciationem,  
quàm in declamationibus singulis septimanis ha-  
beri solitis, fere negligunt, præparamus. Equi-  
dem spero, Vos hoc institutum nostrum candido  
probaturos calculo : proinde Vobis submissæ  
observantiæ & officiosæ promptitudinis studia ,  
in redhostimenti vicem, *sedulo polliceor.* P.P. Die 24.  
*Augusti, Anno O. R. 1667.*



*Producen.*



## Producentur,

1. Cadmus, arcis Thebani conditor, vice Prologi, Gotofredus Wimmer, Vra.

2. Narratores, Historiam de Pelopida exposituri,

Latinè, ex Cor. Nepote,

Germanicè ex Interprete,

Wenceslaus Abraham Stirius Vrat.

Florianus Fischer / Steinâ - Sil.

Georgius Hânel / Jaurâ - Siles.

Jeremias Schebel / Vratisl.

Abraham Nischelsky / Lesnâ - Polon.

Johan. Christophorus Grundeman / Vr.

Salomon Grâbner / Vratisl.

Samuel Pratorii in Neuschke / hâred.

Adam Christianus Scholz / Vratisl.

Christianus Scholz / Vratisl.

3. Recitatores Gnomarum ex Nepote & aliis,

Christophorus Gûssovius, } Vratisl.

Christophorus Lindner / }

Vratisl.

Johann. Michael Koser, }

Joachimus Felgiebel. }

4. Actores & Interlocutores dramatici,

Pelopidas, Christophorus Pricelius Dracomontio - Siles.

Charon, civis Thebanus, Johannes Crantzius Leorinus Siles.

Dicarchus, }

Caspar Neumannus, Vratisl.

Alcæus, }

Ephori. Spar.

Sigismundus Cunradi Sorâ - Lusat.

Menophilus, }

tani.

Michael Gebhardus Sorâ - Lusat.

Aristogenes, }

Christian. Philippus Montag / Cûstrino-March.

Trophimus, expeditor, Daniel Lindnerus, Dracomontio - Sil.

Scedafus, civis Leuctricus, Christophorus Fribenius Landshutt, Siles.

Ismenias, }

Exules Thebani & }

Christianus Herrmannus Namslâ - Sil.

Nicanor, }

Pelopidæ socii

Christianus Schauertus, Laubâ - Lusat.

Pyrgonices, arcis Thebanæ Præfectus, Gottfridâ Zîtsch /

Archias, civitatis Thebanæ princeps, Johann. Ernestus Gûssovius Dracomont.

Stolon, expeditor, Johannes Christophorus Preibisius Sorâ - Lusat.

Epaminondas, Dux Thebanorum, Johannes Kurtzmannus, Vratisl.

5. Epilogi loco Exules Thebani & venatores personati, superius nomi.  
nati, carmen in laudem venationis decantabunt.





